

Evening Dogri News Bulletin,

06 January. 2026 18:15 Hrs

Headlines

- मुखमंत्री उमर अब्दुल्ला होंरें JKCCC दा सैलसफा सरबंधी कैलेंडर जारी कीता। उनें सैलसफा कश्मीर दी वेबसाइट ते स्कींग कोर्स दी शुरूआत कीती।
- उपमुखमंत्री सुरेंद्र चौधरी होंरें आखेआ जे स्कॉस्ट जम्मू लोकें दे जीवन च बदलाव आहना'रदी ऐ ते अर्थ बवस्था गी ज्ञान राएं मजबूत करा'रदी ऐ।
- बरे 2025 च 70 लख थमां मते श्रद्धालुएं श्री माता वैशुणो देवी श्राइन च मत्था टेकेआ, श्रद्धालुएं दा भारी रश बरकरार।
- शिडक यातायात ते जरनैली शिडके सरबंधी मंत्रालय दियां डरैक्टर हाइवे हरलीन कौर होंरें जारी राश्ट्री जरनैली शिडके सरबंधी परियोजनाएं दा जायजा लैता।
- उच्चिए धारे पर हल्की बर्फबारी मगरा कश्मीर च सीत लैह परतिए आई गई।

<><><><><><>

CM-Calenders

मुखमंत्री उमर अब्दुल्ला होंरें अज्ज जम्मू दे सिविल सचिवालय च सैलसफा विभाग ते जम्मू-कश्मीर केबल कार निगम दे 2026 दे कलेंडर जारी कीता। आकाशवाणी जम्मू दे संवाददाता दी रिपोर्ट मुजब कलेंडर पूरे जम्मू-कश्मीर च मुख-मुख सैलानी थाहें ते सैलसफा सरबंधी बुनियादी ढांचे बारे जानकारी हासल करग। सरबंधत मैहकमें गी मुबारकबाद दिंदे होई मुखमंत्री होंरें दिक्खेआ जे इस चाल्ली दी पैहलकदमियें कन्नै जम्मू-कश्मीर दी सैलसफा गी बढ़ावा थ्होग ते सैलानी थाहें दे प्रचार च मता योगदान होग। इस मौके पर मुखमंत्री होंरें कश्मीर दे सैलसफा निदेशालय दी आधिकारिक वेबसाइट दा बी शुभारम्भ कीता। उनें गुलमर्ग ते सोनामर्ग च इंटीग्रेटेड स्कींग कोर्स दा बी उद्घाटन कीता जेहदे च 32 ते 25 सखेतरुएं दे दो बैच शामिल ना।

<><><><><><>

Dy CM SKUAST

उप मुखमंत्री सुरिंद्र चौधरी होंरें अज्ज आखेआ ऐ जे स्कॉस्ट जम्मू, राई-बाई पशुएं सरबंधी विान ते बक्ख-बक्ख खेत्तरें च ज्ञान आधारत इन्टरवेंशन्स राहें जम्मू खित्ते दे लोकें दे जीवन गी बदलने ते अर्थ बवस्था गी मजबूत करने च अहम भूमिका नभा'रदी ऐ। उप मुखमंत्री होंरें एहू गल्ल जम्मू दे सिविल सैक्ट्रेट च स्कॉस्ट जम्मू दे उप-कुलपति डॉ. बी.एन त्रिपाठी हुं'दे कननै लग्गी दी इक बैठक दरान आक्खी। बैठक दी शुरूआत च चौधरी होंरें स्टॉस्ट जम्मू दे मुख परिसर ते एह्दे राई-बाई सरबंधी विज्ञान केंद्र च बुनियादी ढांचे दे विकास ते हाल च गै आए दे हाड़ें कन्नै होए दे नकसान दी मरम्मत करने दे कम्में दी समीक्षा कीती।

<><><><><><>

SMVD-Yatra

70 लक्ख थवां मते श्रद्धालुएं श्री माता वैशुणो देवी श्राइन च 2025 ब'रे दरान मत्था टेकेआ ऐ। श्रद्धालुएं दी पूरे बरे आमद लग्गी दी रौहंदी ऐ जेडे माता वैशुणो देवी जी दी गुफा च मत्था टेकिए माता दा आशीर्वाद हासिल करदे ना। श्रद्धालुएं दा रश बरोबर बने दा रौहंदा ऐ। श्री माता वैशुणो देवी श्राइन बोर्ड दे मुख कार्जकारी अधिकारी सचिन कुमार वैश्य होंरें दस्सेआ जे श्राइन बोर्ड आसेआ श्रद्धालुएं दी सहूलत सुरक्षा ते विजन कुसै परेशानी दे यात्रा गी मुमकन बनाने लेई लोडचदे सारे बंदोबस्त कीते जा'रदे ना। उनें आखेआ जे भीड़ दे प्रबंधन, साफ-सफाई, मेडिकल सहूलत ते सुरक्षा सने सारे व्यापक इंतजाम कीते गेदे ना। उनें आखेआ

<><><><><><>

CBSE Psycho Social Counselling

केंद्री माध्यमिक शिक्षा बोर्ड सी.बी.एस.ई नै अज्ज परीक्षा सरबंधी तनाऽ कन्नै निब्बडने आस्तै विद्यार्थियें आस्तै Phycho social counselling सेवा शुरू कीती ऐ। 10मीं ते 12मीं जमात दे विद्यार्थियें आस्तै मुफ्त इस सेवा दा पैहला चरण इस ब'रे दा पैहली जून तगर जारी रौहगा। इस पैहलकदमी दा मकसद परीक्षा कन्नै सरबंधत तनाऽ घट्ट करना ऐ जेह्दे कन्नै 17 फरवरी थमां शुरू होने आह्ले इम्तेहानें च आत्मविश्वास, संतुलन ते मानसिक तौरा

पर मजबूत बनाना ऐ तां जे विद्यार्थी इस्तेहानें गी पेश करने च सक्षम बनी सकन। विद्यार्थी टोल फ्री नंबर 18001-18004 डायल करी सकदे न ते फौन उप्पर आकर्षित अवाज दे राहें हिंदी ते अंग्रेजी च 24 घंटे समर्थन हासल करी सकदे न।



Tenants Verification

औंदे गणतंत्र दिवस समारोह ते सुरक्षा दे बधदे उपाएं गी ध्यानै च रखदे होई जम्मू पुलस नै जम्मू दे जिला मैजिस्ट्रेट हुक्म दे बावजूद अपने किराएदारें दी तस्दीक करने च नाकाम रौहने आहले मकान मालकें खलाफ सख्त कारवाई शुरु कीती ऐ। अजें तगर पुलस नै सरकारी हुकमै दी पालमा नेई करने लेई- केंई मकान मालकें खलाफ मामला दर्ज कीता ऐ। उनें लोकें खलाफ भारतीय न्याय संहिता दी धारा 223 तैहत कारवाई कीती गेई ऐ- जिनें अपने किराएदारें गी पुलस दी तस्दीक कीते वगैर अपने रिहायशी परिसर च रखियै नियमें दी उल्लंघना कीती ऐ। जम्मू पुलस नै सब्बनें मकान मालकें गी गुजारिश कीती ऐ जे ओह किराएदारें दी तस्दीक सरबंधी दिशा-निर्देशें दी सख्ती कन्नै पालमा करने ते पुलस गी सैहयोग देन। हाल च गै किराएदार पोर्टल दा अनावरण करदे होई जम्मू दे एस.एस.पी. जोगिन्दर सिंह होरें आखेया



NHW-New Projects

शिड़क परिवहन ते जरनैली शिड़कें सरबंधी मंत्रालय दी राजमार्ग निदेशक हरलीन कौर होरें राश्ट्री जरनैली शिड़कें ते ढांचागत विकास निगम लिमिटेड एन.एच.आई.डी.सी.एल दे दफ्तर च जारी राश्ट्री जरनैली शिड़कें सरबंधी परियोजनाएं बारै इक समीक्षा बैठक दी अध्यक्षता कीती। बैठक च बक्ख-बक्ख चला'रदी परियोजनाएं दी प्रगति दी तफसीली समीक्षा कीती गेई जेहदे च ढांचागत ते माली स्थिति, समें सीमा ते अमल च औने आहले मुख् मुद्दें उप्पर चेचा ध्यान दित्ता गेआ। राजमार्ग निदेशक नै परियोजनाएं गी समें पर पूरा करने, म्यार आहला कम्म करने ते सभनें एजेंसिएं बश्कार आपसी तालमेल बनाइयै कम्म करने पर जोर भरेआ। अफसरें गी निर्देश दित्ते गए जे ओह अडचने गी तौले सुलझाने ते कम्में गी सुचारू ढंग्गै कन्नै करना यकीनी बनान। बैठक दे अखीरै च

निगरानी तंत्र गी मजबूत करने ते शिड़क राबते च लोकें दी सुविधा लेई बाह्वा करने लेई परियोजनाएं गी लागू करने ते कम्में च तेजी आहनने दे निर्देश दित्ते गए।



ARTO

रामबन दे क्षेत्रीय ट्रांसपोर्ट दफ्तर आसेआ शिड़क सप्ताह सरबंधी हफ्ते दे तैह्त्त केई सारे कार्यक्रमें दा सरिस्ता कीता जा'रदा ऐ। एहदा मकसद जागरूकता राएं हादसें गी घट्ट करना ते शिड़क पर गड्डी चलांदे बेल्लै सुरक्षा सरबंधी तरीकाकारें गी अपनाना ऐ। आर.टी.ओ आसेआ केई सारे जागरूकता प्रोग्राम, सेमीनार ते रोड शा दा आयोजन कीता जा'रदा ऐ तां जे लोकें गी शिड़क सुरक्षा दे नियम-कायदें ते जिम्मेदारी कन्नै गड्डी चलाने बारै जागरूक बनाया जाई सकै। सरबंधी कार्यक्रम बस स्टैंड, स्कूल, कॉलेज ते समुदायिक केंद्रें च आयोजित कीते जा'रदे ना। इस बारै होर जानकारी दिंदे होई ए.आर.टी.ओ रामबन कुलदीप सिंह होरें आखेआ



Road Safety Kishtwar

राश्ट्री शिड़क सुरक्षा सप्ताह दे इक हिस्से दे तौर पर ते शिड़क सुरक्षा सरबंधी जागरूकता बदाने लेई ए.आर.टी.ओ किशतवाड़ आसेआ डी.सी दफ्तर किशतवाड़ च रोड सेफ्टी सेल्फी बूथ कायम कीता गेआ ऐ। एहदी औपचारिक तौर पर शुरूआत किशतवाड़ दे डिप्टी कमिशनर पंकज कुमार शर्मा होरें कीती। इस मौके पर बोलदे होई डिप्टी कमिशनर पंकज शर्मा होरें आखेआ जे शिड़क सुरक्षा सभनें दी सांझी जिम्मेदारी ऐ। जागरूकता राएं केई सारी कीमती जानें गी बचाया जाई सकदा ऐ। उनें आखेआ जे नमें-नमें विचारें ते जत्तें जियां रोड सेफ्टी सेल्फी बूथ सकारात्मक ढंगै सिर लोकें दी मदद करी सकदे न ते लोकें गी जागरूक बनाई सकदे ना।



Prez. Students

जम्मू-कश्मीर दे पुंछ जिले थमां विद्यार्थिं दे इक समूह नै राष्ट्रपति द्रौपदी मुर्मू हुं'दे कन्नै राष्ट्रपति भवन च मलाटी कीती। इनें बच्चें राष्ट्रपति भवन दा दौरा लाया। इन्दा एहू दौरा राष्ट्री एकता आहली भावना दे तैहत आयोजित कीता गेदा हा।

<><><><><><>

Mini Marathon

युवा सेवाएं ते खेडें सरबन्धी निदेशालय जम्मू ते कश्मीर आसेआ औंदी पैहली फरवरी गी जम्मू च Run with the rising sun यानि चढे सूरज दे कन्नै द्रौड़ नांS आली इक मिनी मैराथन दा आयोजन कीता जा'रदा ऐ। 13एं ब'रें शा लेइयै 18एं ब'रें धोड़ी दी उम्री दे बच्चें लेई आयोजित कीती जाने आहली इस लम्मी द्रौड़ आले कार्यक्रम दा विशेषार ऐ Run for Health, Run for hapiness यानि सेह्तू लेई द्रौड़, खुशी लेई द्रौड़। बक्ख-बक्ख उम्री दे ते बक्खरे-बक्खरे तंदरूस्ती देस्तरें आले प्रतिभागिं लेई आयोजित कीती जाने आहली इस मैराथन च 3 श्रेणिं-3 किलोमीटर, 5 किलोमीटर ते 10 किलोमीटर दी द्रौड़ करोआई जाहगा। एहू मिनी मैराथन पैहली फरवरी गी बडुलै 7 बजे जम्मू युनिवर्सिटी थमां शुरू होग ते मेद ऐ जे खित्ते दे बक्ख-बक्ख हिस्सें थमां खरी मती गिनतरी च विद्यार्थी ते युवा एथलीट पूरे जोश कन्नै एहदे च हिस्सा लैडन।

<><><><><><>

Weather

कश्मीर दिं किश उच्चिं थाहें पर हल्की बर्फबारी होई ऐ जेदे कन्नै राती दा तापमान घट्ट होआ ऐ ते खित्ते च सीत आहली स्थिति परतिए बनी गेई ऐ। मौसम विभाग ने उत्तरी ते मध्य कश्मीर दिं किश उच्चिं थाहरें पर अज्ज हल्की बर्फबारी होने दे असार जताए न। विभाग दा आखना ऐ जे घट्टोघट्ट तापमान च गिरावट औग ते जम्मू दे मैदानी इलाकें च धुंध छाई सकदी ऐ जेदे करी दूर तगर दिक्खने च औख होई सकदी ऐ। 7 जनवरी थमां 15 जनवरी तगर गासै पर आशिक तौर पर बद्दल छाए दे रौहडन। मौसम सरबन्धी होर जानकारी सांझा करदे होई मौसम विभाग दे निदेशक मुख्तार अहमद होरें आखेआ

<><><><><><>